

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj: 87/20

Sarajevo, 23. 11. 2020. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj: 87/20 od 27.10.2020. godine, u postupku javne nabavke br. 87/20 " Nabavka HTZ opreme (uniforme i odijela)" donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj 87/20 za nabavku roba: „**Nabavka HTZ opreme (uniforme i odijela)**“ iz razloga što nijedna od primljenih ponuda nije prihvatljiva , čime su se stekli zakonski uslovi za poništavanje postupka javne nabavke a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici: www.viksa.ba, u skladu sa članom 70. stav 6. Zakona o javnim nabavkama a stupa na snagu danom donošenja.

Član 3.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 87/20 od 14.09.2020. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a iznosi 140.000,00 KM.

Obavještenje o nabavci broj: 247-1-1-150-3-271/20 je poslato na objavljivanje na Portal javnih nabavki dana 18.09.2020. godine, a sažetak obavještenja o nabavci objavljen je u Sl. glasniku BiH broj : 59 od 25.09.2020. godine i ispravke obavještenja o nabavci broj: 247-1-1-150-8-281/20 poslano je na objavljivanje na Portal javnih nabavki dana 28. 9. 2020 godine, a sažetak ispravke obavještenja o nabavci je objavljen u Sl. glasniku BiH broj 61. od 02. 10. 2020 godine

Komisija za javnu nabavku imenovana je Rješenjem broj 50/20 od 25. 6. 2020 godine. godine i dopunsko Rješenje dodatnih članova Komisije br. 87/20-1 od 14.09.2020.godine.

Komisija za javnu nabavku dostavila je dana 10.11.2020.g. Preporuku o poništenju postupka javne nabavke roba: – „Nabavka HTZ opreme (uniforme i odijela)“ – tender broj 87/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 2 (dvije) ponude – : „Uslužnost“ d.o.o. Sarajevo i „Mexikal Impex“ d.o.o. Sarajevo

- Da je blagovremeno zaprimljena: 1 (jedna) ponuda – „Uslužnost“ d.o.o. Sarajevo

- Da je neblagovremeno zaprimljena 1 (jedna) ponuda. – „Mexikal Impex“ d.o.o. Sarajevo

Pregledom ponude koje je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač
		„Uslužnost“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA
2.	Tačka: 14.1 TD: Izjava o ispunjenosti uslova iz člana 47. stav (1) tačka a) i (4) Zakona o javnim nabavkama – Aneks V; Prilog 4.	DA
3.	Tačka: 14.1 TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA
4.	Tačka 14.2 TD pod a): Ponuđač je dužan u svrhu dokazivanja tehničke i profesionalne sposobnosti zadovoljiti sljedeći uslov: Original ili ovjerena fotokopija (ovjerena od strane nadležnog organa – Sud, Opština ili notar) važećeg Izvještaja izdatog od strane ovlaštene Laboratorije za ispitivanje kvaliteta kojim se potvrđuje ispravnost i kvalitet materijala zahtjevanih u opisu predmeta nabavke.	NE
5.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Pregledom ponude ponuđača „Uslužnost“ d.o.o. Sarajevo komisija je konstatovala da ponuđač u okviru svoje ponude nije dostavio Original ili ovjerenu fotokopiju (ovjerena od strane nadležnog organa – Sud, Opština ili notar) važećeg Izvještaja izdatog od strane ovlaštene Laboratorije za ispitivanje kvaliteta kojim se potvrđuje ispravnost i kvalitet materijala zahtjevanih u opisu predmeta nabavke.

Tačkom 14.2 pod a) i tačkom 16. pod 4. tenderske dokumentacije je jasno definisano da je ponuđač bio obavezan da u svrhu dokazivanja tehničke i profesionalne sposobnosti dostavi navedeni dokument.

Komisija konstatuje da ponuđač „Uslužnost“ d.o.o. Sarajevo ne ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Također, komisija je konstatovala da isti prilikom dostavljanja ponude na adresu ugovornog organa do određenog roka koji je zakazan za otvaranje ponuda nije dostavio uzorke koje je trebao dostaviti u posebnom paketu uz ponudu.

Tačkom 28. tenderske dokumentacije **Dostavljanje uzoraka uz ponudu** definisano je slijedeće:

Obaveza ponuđača je da uz ponudu dostavi uzorke za sve stavke iz tehničke specifikacije (Prilog br. 9).

Uzorci se moraju zajedno sa ponudom, dostaviti na slijedeću adresu: Terezije br. 38, soba br. 1 – Prizemlje.

Potrebno je da ponuđač na ambalaži dostavljanih uzoraka naznači:

Uzorci za nabavku: „Nabavka HTZ opreme (uniforme i odijela)

Broj nabavke: 87/20

Naziv ponuđača

Potrebno je da uzorci koji se dostavljaju budu na odgovarajući način upakovani, kako ne bi došlo do oštećenja istih. Obaveza ponuđača je da se pobrine da uzorci budu dostavljeni uz ponudu na naznačenu adresu. Isti se smatraju sastavnim dijelom ponude.

Ugovorni organ će deponovati sve dostavljene uzorke odabranog ponuđača radi upoređivanja sa isporučenom robom tokom važenja ugovora. Nakon realizacije ugovora isti se na zahtjev vraćaju ponuđaču.

Obaveza ostalih ponuđača je da preuzme uzorke nakon okončanja postupka javne nabavke.

Shodno gore navedenom komisija je utvrdila da ponuda ponuđača „Uslužnost“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4), tačka i) Zakona o javnim nabavkama te ista nije bila predmet daljeg razmatranja.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba: „**Nabavka HTZ opreme (uniforme i odijela)**“ – tender broj **87/20** donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a

-ponuđači



v.d.Direktor

Adnan Hodžić, dipl.ing.maš.